



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726 422
fax. +387 33 726 423
e – mail: info@voda.ba

Broj: UP-1/21-3-40-362-4/23

Datum: 04.10.2023. godine

„Agencija za vodno područje rijeke Save“ Sarajevo, rješavajući po zahtjevu pravnog lica JKP „Komunalac“ d.o.o. Hadžići za izdavanje vodne dozvole za zahvatanje vode sa izvorišta „Garovci“, naselje Garovci, u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području općine Hadžići, na osnovu člana 139. stav (1) tačka 1. Zakona o vodama („Službene novine Federacije BiH“, broj 70/06), člana 200. stav (1) Zakona o upravnom postupku („Službene novine Federacije BiH“, broj 2/98, 49/99 i 61/22), donosi

RJEŠENJE **o vodnoj dozvoli**

1. Daje se vodna dozvola pravnom licu JKP „Komunalac“ d.o.o. Hadžići za zahvatanje vode sa izvorišta „Garovci“, naselje Garovci u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, a za potrebe vodosnabdijevanja naselja Miševići i Binježevo, općina Hadžići pri čemu se trenutno putem bunara zahvata količina od $Q = 20$ l/s.
2. Vodna dozvola se daje na osnovu dostavljene dokumentacije, izvršenog uvida na objektu, utvrđenog činjeničnog stanja i uz slijedeće uslove:
 - 2.1. Da korisnik predmetnog vodozahvatnog objekta isti održava u funkcionalnom stanju i koristi u skladu sa njegovom prirodom i namjenom, te u skladu sa uslovima iz ove vodne dozvole.
 - 2.2. Da korisnik vodozahvatnog objekta u cilju kontrole, evidencije i plaćanja količina zahvaćene vode vrši mjerenje iste, a što se u ovom trenutku obezbjeđuje putem elektromagnetnog mjerača protoka Promag 50w, ser. broj:3B069391000. Evidenciju o mjerenju zahvaćene količine vode vršiti u skladu sa Pravilnikom o sadržaju i načinu vođenja evidencije i dostavljanje podataka o količinama zahvaćene vode („Službene novine FBiH“ br. 83/08).
 - 2.3. Da obezbijedi tehničku ispravnost ugrađenog mjernog uređaja za evidentiranje zahvaćene količine vode, opreme na objektima transportnog sistema, odnosno da redovno vrši baždarenje mjerača protoka u skladu sa propisima o mjernim uređajima.
 - 2.4. Da se uredno vodi dnevnik rada u koji će se unositi podaci o postupku tretmana vode i potrošnji svih hemikalija.
 - 2.5. Da se vrši stalna dezinfekcija vode kloriranjem kao i kontrola rezidualnog klora u distributivnoj mreži u skladu sa Pravilnikom o zdravstvenoj ispravnosti vode za piće („Službeni glasnik BiH“, 40/10, 43/10, 30/12 i 62/17).
 - 2.6. Korisnik je dužan vršiti redovnu kontrolu uskladištenih hemikalija i obezbijediti takve uslove koji će spriječiti zagađenje površinskih i podzemnih voda uskladištenim materijama, odnosno, obezbijediti moguće isticanje klora i drugih komponenti iz objekata i iz posuda, odgovarajućim tankvanama. Takođe je dužan obezbijediti adekvatan apsorber za prikupljanje hemikalija u slučaju incidentnog izlivanja.
 - 2.7. Da ukoliko se redovnim ili vanrednim analizama kvaliteta vode utvrdi da ista ne zadovoljava uslove vode za piće propisane važećim Pravilnikom o zdravstvenoj ispravnosti vode za piće, vodovodni sistem isključiti iz upotrebe, odnosno da se blagovremeno i na adekvatan način obavijeste krajnji potrošači da voda nije za piće.

- 2.8. Da kontrolu ispitivanja kvaliteta vode za potrebe vodosnabdijevanja vodom za piće stanovništva mogu vršiti samo ovlaštene laboratorije, u skladu sa članom 48 stav 3. Zakona o vodama.
- 2.9. Da se stalno sprovode mjere o zaštiti izvorišta po važećoj Odluci o zaštiti izvorišta „Garovci“ koja je donesena od strane Općinskog vijeća Općine Hadžići i objavljena u Službenim novinama Kantona Sarajevo broj:27/19.
- 2.10. U cilju najstrožije kontrole prostora na kome su smješteni vodozahvatni objekat- bunar i prateći objekti potrebno je na odgovarajući način obilježiti upozorenjem o zabrani neovlaštenog pristupa. Ogradu i ograđeni prostor oko izvorišta „Garovci“ potrebno je održavati što znači da je ovaj prostor potrebno kositi, uklanjati samoniklo šiblje i grmlje i isti obezbijediti i drugim mjerama fizičke zaštite i osiguranja, a što prvenstveno uključuje službu fizičkog obezbjeđenja na izvorištu (povremeni obilazak ili stalna posada), te alarm, video nadzor i druge mjere zaštite, ukoliko se to ocijeni potrebnim.
- 2.11. Korisnik je dužan da u roku trajanja ove vodne dozvole, u skladu sa važećom legislativom pokrene inicijativu za dobivanje upotrebne dozvole izgrađenog vodozahvatnog objekta i pratećih objekata infrastrukture, kao dijela cjelokupnog sistema vodosnabdijevanja.
3. Korisnik objekata treba da u cilju kontrole, evidencije i plaćanja količina zahvaćene vode vrši kontinuirano mjerenje količina zahvaćene vode i podatke o tim mjerenjima unosi u Knjigu evidencije o količinama zahvaćene vode. Korisnik objekta je obavezan vršiti plaćanje posebne vodne naknade u skladu sa članom 170 stav 1. tačka 1. alineja 1. Zakona o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).
4. Prava stečena po ovoj vodnoj dozvoli ne mogu se prenositi na treća lica, a ista se mogu izmijeniti u zakonom propisanim slučajevima.
5. Ukoliko prilikom upotrebe vodozahvatnog objekta koji je obuhvaćen ovom vodnom dozvolom dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
6. U ovoj upravnoj stvari plaćene su sve upravne pristojbe.
7. Ova vodna dozvola, shodno članu 117. stav 1. Zakona o vodama („Službene novine Federacije BiH“, broj 70/06) se daje sa rokom važenja od pet godina od pravosnažnosti ovog rješenja.
8. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
9. Za izgradnju novog ili rekonstrukciju ili uklanjanje postojećeg objekta te promjenu uslova zahvatanja vode na vodocrpilištu „Garovci“, ako bi se time uticalo na promjenu kvaliteta i kvantiteta voda, odnosno ako se time mogu trajno, povremeno ili privremeno prouzrokovati promjene u režimu voda, korisnik predmetnog objekta je dužan pribaviti vodne akte (prethodnu vodnu saglasnost, vodnu saglasnost i vodnu dozvolu).
10. Ovo Rješenje o vodnoj dozvoli može se izmijeniti ukoliko nastupe okolnosti iz člana 130. stav (1) Zakona o vodama.

Obrazloženje

Pravno lice, JKP "Komunalac" d.o.o. Hadžići obratilo se ovoj Agenciji sa zahtjevom za izdavanje Rješenja o vodnoj dozvoli za aktivnosti na zahvatanju vode sa izvorišta „Garovci“, naselje Garovci, općina Hadžići u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, naselja Miševići i Binježevo, pri čemu se trenutno putem bunara zahvata količina od $Q = 20 \text{ l/s}$. U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Aktuelni izvod iz sudskog registra, broj:065-0-RegZ-23-005433 od 30.05.2023. godine izdat od strane Općinskog suda u Sarajevu – kopija,

- Uvjerjenje o registraciji/upisu u Jedinствeni registar obveznika indirektnih poreza, broj:04/1-UPP/1-12899/07 od 06.09.2007. godine izdato od strane Uprave za indirektno-neizravno oporezivanje Banja Luka - kopija,
 - Uvjerjenje o registraciji poreznog obveznika od 02.09.2021. godine izdato od strane Kantonalnog poreznog ureda Sarajevo – kopija,
 - Odluku o zaštiti izvorišta vode za piće „Garovci“ donesena od strane objavljena u Službene novine Kantona Sarajevo broj:27/19 – kopija,
 - Zemljišnoknjižni izvadak, Katastarska općina:Binježevo, broj:078381/23 Zemljišnoknjižni uložak broj:2101, izdat od strane Općinskog suda u Sarajevu - kopija,
 - Izvještaj o mikrobiološkom ispitivanju vode, broj:11910/23 od 14.08.2023. godine urađen od strane J.U. Zavod za javno zdravstvo Kantona Sarajevo – kopija,
 - Izvještaj o fizičko-hemijskom ispitivanju vode, broj:12879/23 od 30.08.2023. godine urađen od strane J.U. Zavod za javno zdravstvo Kantona Sarajevo – kopija,
 - Rješenje o vodnoj dozvoli, broj: UP-I/25-3-40-428-3/18 od 31.08.2018. godine izdato od strane Agencije za vodno područje rijeke Save, Sarajevo – kopija,
 - Ovjernica/Uvjerjenje broj:001/20/22 o uovoljavanju mjeriteljskim zahtjevima elektromagnetnog mjerača protoka Promag 50W, DN 150 od 07.01.2022. godine izdato od strane Federalnog ministarstva energije, rudarstva i industrije – Zavod za mjeriteljstvo - kopija,
 - Opći akt o održavanju, korištenju i promatranju vodnih objekata „Garovci“ Hadžići, broj:3769-III-02-3/23 od 03.08.2023. godine,
 - Ugovor potpisan sa J.O. Zavod za javno zdravstvo Kantona Sarajevo, broj:4374-II-03-13/22 od 26.09.2022. godine – kopija,
 - Dokaz o uplaćenju federalnoj upravnoj pristojbi na zahtjev
- Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.
- Nakon pregleda dostavljene dokumentacije, u skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22), izvršen je uviđaj na terenu i tom prilikom sačinjen Zapisnik broj: UP-1/21-3-40-362-2/23 od 02.10.2023. godine.
- Na osnovu dostavljene dokumentacije, izvršenog uviđaja na licu mjesta utvrđeno je slijedeće:
- Izvorište Garovci nalazi se u naselju Garovci, općina Hadžići, udaljeno 1,5 km sjeveroistočno od Hadžića, u zaobilazu rijeke Zujevine, na desnoj strani magistralnog puta M 17, na zemljištu označenom kao k.č. br. 873/4 K.O. Binježevo i predstavlja izvorište podzemnih voda u kraškoj izdani.
 - Bušeni bunar „Garovci“ dubine je 25 m, prečnik bunarske kolone iznosi 360/345 mm, u bunar je potopljena pumpa MS6000 Grundfos 78195519. Kapacitet zahvaćenih voda na izvorištu iznosi 20 l/s, a za potrebe vodosnabdijevanja naselja Miševići, Binježevo, Hadžići (dio).
 - Rezultati fizičko-hemijskih analiza uzoraka vode ukazuju da se radi o vodi hidrokarbonatno-kalcij-magnezijskog tipa.
 - Hlorisanje se vrši u oknu sa tečnim hlorom-Na hipohloritom. Skladištenje hlora se vrši u pumpnoj stanici.
 - U krugu pumpne stanice izgrađen je šaht u koji je ugrađen elektromagnetni mjerač protoka Promag 50w, ser.broj:3B069391000 za registrovanje zahvaćenih količina vode. Voda se putem tlačnog cjevovoda (ductil ϕ 150 mm) transportuje ka rezervoaru Garovci i dalje u rezervoar Gradac. Uža zaštitna zona izvorišta i rezervoari su ograđeni i redovno se obilaze.
 - Analize sirove vode se vrše kontinuirano od strane J.U. Zavod za javno zdravstvo Kantona Sarajevo, u skladu sa sklopljenim ugovorom. JKP „Komunalac“ d.o.o. Hadžići vrši periodične analize vode u priručnoj laboratoriji. Rezultati fizičko-hemijskih analiza vode iz bunara „Garovci“ ukazuju na veoma stabilan sastav vode. Bakteriološko zagađenje nije registrovano.
 - U skladu sa Pravilnikom o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje („Službene novine

Federacije BiH", br. 88/12) donesena je Odluku o zaštiti izvorišta. Propisane mjere zabrane i ograničenja se na terenu djelimično provode.

- Korisnik je upoznat sa potrebom ishodovanja upotrebne dozvole izgrađenog vodozahvatnog objekta, kao dijela cjelokupnog sistema vodosnabdijevanja, od nadležnog organa, u skladu sa važećom legislativom.

- Na samom vodocrpilištu, vodozahvatnom objektu u prethodnom periodu (od izdavanja Rješenja o vodnoj dozvoli) nisu vršeni građevinski radovi (rekonstrukcije i sl).

Na osnovu provedenog postupka, a prema članu 107. stav 1. i 2. Zakona o vodama, u svrhu ostvarivanja prava na vodu drugim korisnicima kao i održivog korištenja voda, korisniku objekta JKP "Komunalac" d.o.o. Hadžići ovom su vodnom dozvolom, u tački 2. dispozitiva rješenja, propisani uslovi korištenja objekata. Podnosilac zahtjeva, kao korisnik objekata obavezan je pridržavati se navedenih uslova, u skladu sa članovima 48., 64. i 66., 116. Zakona o vodama i članovima 13. i 14. Pravilnika o sadržaju, obliku i uvjetima i načinu izdavanja i čuvanja vodnih akata. Konstatuje se da je podnosilac zahtjeva JKP "Komunalac" d.o.o. Hadžići ispunio minimum uslova za izdavanje vodne dozvole za zahvat vode sa izvorišta „Garovci“, naselje Garovci, općina Hadžići u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema na području općine Hadžići u ukupnoj količini do cca 20 l/s, te je riješeno kao u dispozitivu ovog rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi („Službene novine Federacije BiH“, broj 6/98, 8/00, 45/10 i 43/13).

Uputa o pravnom lijeku


Protiv ovog rješenja se može uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana prijema Rješenja. Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka:

mr.sc. Selma Merdan, dipl.inž.geol.

Po ovlaštenju
Rukovodilac Sektora za izdavanje vodnih akata

Haris Ališehović, dipl.ing.grad.



Dostaviti:

- JKP „Komunalac“ d.o.o.
Žunovačka br.4, 71240 Hadžići,
- AVP Sava, ISV, Vodna knjiga,
- Sektor 50,
- Sektor 40, arhiva,
- Oglasna ploča